

Қазіргі таңда ақпараттық технология мен телекоммуникация құралдарының жедел түрде дамып, әлемде ақпараттың жыл сайын еселеніп өсуі нәтижесінде білім және технологияның жаңа салалары қарқынды дамуда. Мемлекет басшысының халыққа арнаған Жолдауында заман талабына сай цифрландыру, ақпараттық технологияны жедел дамыту керектігін, білім беру саласында оқытудың да озық әдістерін меңгеруді міндеттеген еді.

Әлемге қауіп төндірген індет салдарынан қашықтықтан білім беру форматын енгізуге тура келді. Сондықтан да қашықтықтан білім беру технологиясын жақсы меңгеру керектігін қазіргі таңда өмір талап етіп отыр. Бұл қашықтықтан оқыту технологиясы оқытушының студентпен оқыту құралдары арқылы интерактивті қарым-қатынас іс әрекеті үрдісін ұйымдастыруға мүмкіндік беретін

# БІЛІМДІ ШЫҢДАУҒА МҮМКІНДІК БЕРГЕН ЖҮЙЕ

ақпараттық-педагогикалық әдіс-тәсіл.

Қазіргі қиын сәтте сан қырлы әрі күрделі мәселелерді жүзеге асыруда мұғалімнің атқарар рөлі орасан. Оған әрі ауыр, әрі жауапты міндет жүгі жүктелді: ол қысқа мерзімді оқу жоспарын дайындап, оны қашықтықтан білім беру жүйесімен ақтастырып бейімдейді, оқу үрдісінің барысын қадағалап, тапсырмаларды орындау барысында, өз бетімен бақылау-пысықтау жұмыстарын орындау жөнінде ұсыныстар береді. Бұл ретте қашықтықтан оқыту жүйесінің әдістерінде көрсетілгеніндей, көңіл-күй, психологиялық қарым-қатынас бой көрсетеді. Қашықтықтан оқыту тәсілі бойынша жұмыс істейтін педагог оқытудың жаңа технологиясын, оқытудың компьютерлі және тораптық жүйелерін жетік біліп, олармен іс жүргізу ісін орындау шарт.

Қашықтықтан оқыту –

адамның білім алуға және ақпарат алуға деген құқықтарын іске асыратын үздіксіз білім беру жүйесі нысандарының бірі ретінде мамандардың мәлікті қызметін атқара жүріп білімін, біліктілігін арттыруға мүмкіндік береді.

Бүгінгі таңда ақпараттық қамтамасыз ету жүйесіне баса мән бермейінше, білім берудің ақпараттық технологияларын, дәлірек айтқанда, электрондық оқулық және бейнефильмдерді, басқа да электрондық басылымдарды қашықтықтан оқытудың спутниктік арнасы арқылы ендімейінше, кез келген әлеуметтік-экономикалық саланың алға басуы мүмкін емес.

Оқыту білім беру процесіне қатысушылардың интерактивті әрекетін қашықтықтан алып тастайды деген сенім қате болып табылады. Кейбір жағдайларда бұл одан да тиімдірек, өйткені ол әрқайсысының мүмкіндігін ес-

керуге мүмкіндік береді. Біз топта пікірталас ұйымдастыра аламыз, жаңа материалды оқып білу және тапсырмаларды орындау кезеңінде сөйлесе аламыз. Осы мақсатта дұрыс білім беру порталын таңдау керек немесе хабар алмасу, я болмаса чат арқылы сапалы кері байланыс құру қажет. Топта орындау үшін бірнеше тапсырмаларды жасауға тырысыңыз. Мұның бәрі ашық құжаттардың, вебинарлардың, желілік ресурстардың, заманауи технологиялардың көмегімен жүзеге асырылады.

Қашықтықтан оқыту жүйесінің рөлі қазіргі таңда білім саласы үшін өте жоғары, себебі бұл жүйе арқылы мұғалімдер мен оқушылар әлемдік ақпараттармен байланысуға, білімдерін онлайн жалғасыруға, ғылыми және шығармашылық жұмыстарын жетілдіруге, әлемдік ақпарат кеңістігінде білімін шыңдауға зор мүмкіндік алады.

**Айнұр САДЫРБАЕВА,  
М.Әуезов атындғы  
Оңтүстік Қазақстан  
Университеті,  
«Мұнайгаз ісі»  
кафедрасының  
доценті, т.ғ.к.**